

Resp Pp Pp B322/40

**LIBERTAT,**  
**EGALITAT, FRATERNITAT,**  
**POUEMO,**

PER LOUIS VESTREPAIN.



**TOULOUSO,**  
**IMPRIMARIO DE P. MONTAUBIN,**  
Pichouno carriéro Sent-Roumo, 1.

—  
1849.



Resp Pp Pp B392/40

**LIBERTAT,**  
**EGALITAT, FRATERNITAT,**

**POUEMO,**

PER LOUIS VESTREPAIN.



**TOULOUSO,**  
IMPRIMARIO DE PH. MONTAUBIN,  
Pichouno carriéro Sent-Roumo, 1.

—  
1849.

LIBERTY

LIBERTY

LIBERTY

LIBERTY



LIBERTY

LIBERTY

LIBERTY

**LIBERTAT,**  
**EGALITAT, FRATERNITAT,**  
**POUEMO,**

PER LOUIS VESTREPAIN.



**TOULOUSO,**  
**IMPRIMARIO DE PH. MONTAUBIN,**  
Pichouno carriéro Sent-Roumo, 1.

—  
1849.

SE VEND CHEZ L'AUTEUR,

Rue de la Pomme, 55.

## LA LIBERTAT.

Despéy que l'Eternél a mes l'home sur térrò,  
An bist la tyranio et la brutalò guérro  
Ensanna lours pougards, de naciou en naciou,  
En trigoussan le dol et la desoulaciou  
Et pourta dins tout loc, à forço de carnatge,  
La miséro, les plours, dan le triste esclabatge ;  
Affouga lours soutiéns, péy douna de tresors  
As qu'abion fayt le may de soulados de morts....  
Quand un Prince goubérno ambe la tyranio,  
Aoulòc de semena de flous dins sa patrio,  
De fa brilla soun pople et de le randre hurous,  
Nou fa que semena d'ourtics et de bouyssous ;



Soun régne es, tot ou tard, picat per uno espino,  
Que l'y dosto la forço et causo sa ruino,  
Car diou pas debremba que la mayssanto acciou  
Receou, destan denaout, sa justo puniciou :  
Le grand jutge, assiétat al dessus del nuatge,  
A toutjoun l'él bracat sus homes de rabatge,  
Et s'un méstre es ingrat embérs sous serbitous,  
Aco's el, le prumié, qu'aluco sas furous.  
Nou cal pas rudeja le lioun que l'on pribo  
S'on bol le randre dous, car trop souben arribo  
Qu'al moumen ount on crey qu'es tout amistousat,  
Le lioun se rebiffo, et d'un él emflabat  
Embricaillo sous férs, cruchis soun esclabatge,  
Et malhur an aquel qu'y barro le passatge.  
Princes! rudejéts pas un pople qu'es soumes  
Se bouléts pas qu'un joun cruchisquo bostros les.

Despéy la mort d'Abél la jalousio doumino  
Et fa builli le sang de la raço Caïno,  
Raço que n'a dounat le jour qu'à de troumpurs  
Et qu'a per tout dubért la sourço des malhurs ;  
Aquelou jalousio, nascudo ambe l'embejo,  
Sus esprits mal-faziés s'entrouniso et mestrejo  
En tenin alucat soun inférnal tisou,  
D'ount s'escampo, à grand flots, de rajols de pouysou ;

D'aques flots de pouysou de serpens berinouses  
Nayssen per traouquilla le cor des embejouses  
Et malhurousomen dins toutis les estats  
Le noumbre es pla trop grand d'aques que'n soun fissats;  
Car la trayto ambiciou en tout loc on la trobo,  
Elo cour coumo l'ayre en fan le tour del globo,  
Despéy que s'escapéc del prigoun des inférs,  
N'es estado jamay qu'un fléou dins l'unibérs.

Quand l'home es embejous del be de soun semblable,  
Que bisquo paouromen ou que sio fourtunable,  
Per poude fa trinfla sa bibo jalousio  
Employo la maliço et la fripounario,  
Més l'employo an un punt que digus se'n malfiso,  
Per que l'on doute pas de sa soubro traytiso  
Se fibblo coumo un bim, se tors coumo un serpent,  
Coumo la jiroueto el se biro à tout bent,  
Es flattur, caessant, més sa faço troumpuso  
Descubris pas jamay le secrét de sa ruso,  
Que soun negre genio amago dins soun cor.  
Per un cantou de térrou ou per un brical d'or,  
L'amic troumpo l'amic et le frayre le frayre,  
La sor troumpo la sor, le fil troumpo le payre,  
Dinqios as goubernans qu'à forço d'ambiciou  
Trahissen leurs sutjéts per troumpa lour naciou.

Or , dounc , la trahisou régno dins touto classo :  
S'un mourtal es hurous , le qu'embejo sa plaço  
Se dira soun amic , més n'es pas qu'un Judas !  
Car per le poude pérdre el le siéc pas à pas  
Coumo un loup descarat quand sentis l'agnelado  
Que pais tranquillomen al mitan de la prado ,  
Et que se sent prou lén del pastre et del farou ,  
Per ana sul troupél rassasia sa furou :  
Atal fan les traydous amics à doublo faço ,  
Nou gayton que lour proyo , et butats per l'aoudaço  
Attaquon ço que Dious a fayt de pu sacrat  
En fasen retrouni le crit de Libertat !  
Oh ! més la Libertat n'es pas la sor del crime ,  
Elo nous ben del cél , l'aoutre sort d'un abime  
Ount ban s'atisouna las bioulentos passious  
Per coumettre al grand jour las pu negros accious ,  
« Dious féc la Libertat , l'home a fayt l'esclabatge , » (\*)  
Més la fayt per puni le bol , le brigandatge ,  
La fayt per arresta les esprits debariats  
Que bouldrion pousseda toutes las libertats.

Tant que l'home sera guidat per la malïço  
Le beyran sousteni la coupablo injustïço ;

(\*) Chenier. Religieuse de Cambrai.

E'injustiço le rand cado joun may cruél  
Et finis per le pérdre et crusa soun toumbél.  
Despéy la paouretat dinqios à l'oupulenço ,  
A prene de l'esclabo al que ten la puissenço ,  
Per abe may d'aounous , ou per grandi sous bes ,  
L'home seloun soun reng es injuste ou coubes.  
La generousitat semblo fugi la térrro ,  
Més , tant que pouyra pas atuda la miséro ,  
Le desordre bioura dins la souciétat ,  
Ount cadun se crey méstre et fa sa boulountat.

La santo Libertat et per tout hounourablo ,  
Nani ! digus nou pot la randre coundannablo ,  
Hurous qui la frayrejo : amb'elo on es sigur  
De courre pas jamay sul cami del malhur ,  
Que coundesis tout dret al founds d'un precipici ,  
Ount on nou fa qu'aougi les hurlomens del bici.  
Ambe la Libertat debalado del cél  
Un pople deben juste et noun pas criminél ;  
Aquel que le goubérno , en se cubrin de glorio ,  
Pot s'ennayra d'amb'el al temple de memorio ,  
Recebre le laourié d'aquelo Libertat ,  
Doun le frount dion brilla touto uno éternitat !

De l'usage de la langue françoise  
 Et de la maniere de l'enseigner  
 Par le sieur de la Roche  
 A Paris chez le sieur de la Roche  
 Le premier jour de Mars l'année  
 MDCCLXXII

Chez le sieur de la Roche

## L'EGALITAT.

Sur térrò, dins la mar , abarrejo les ayres ,  
Demést le belugnié des astres lugrejayres ,  
A la faço del jour ou dins l'escuritat ,  
Cerquén dins la naturo ount es l'Equalitat :  
Quand on bey dins la néyt tant de bibos estelos  
Dirion que la plupart soun jalousos entr'elos ,  
Car toutos fan al cop à qui may brillara ,  
Més pas uno nou pot entrumi le lugra ;  
Eh ! doun ben qu'on y bey leurs pitchounos souretos ,  
Que pareyssen toutjoun coumo de belugetos ,  
Sense qu'aougen groussit despéy la creaciou ?  
Es que poussédon pas le foc de l'ambiciou !

Cado corps lumineux de sa luts se contento,  
Et quand à nostres éls la luno se presento ,  
Per tant que s'embelisquo et mostre sas beoutats ,  
Nou quitto pas jamay sous rayouns argentats.  
Astres brillants del céel, ta pla la différenço  
Régno demést bous aous despéy bostre existenco ,  
Malgré bostro clartat on bous bey escanti  
Tout cop que bostre rey, sul trono del mayti ,  
Alando le ridéou de sa brullento alcobo,  
Afin que soun regard esclayre tout le globo  
Et bous tenguo eclipsats al sejour estelat.  
Or, dounc, al firmomen n'es pas l'Egalitat :  
Le soulel cramo tout dins sa marcho rousento ,  
La luno à l'egard d'el semblo miéjo mourento ,  
Coumetos et Lugas, Clouqueto et Tres-Bourdous ,  
Jamay l'Egalitat régnera d'ambe bous.  
Quitten le firmomen et trabersen les ayres  
Ount troubaren les bents rudes ou caressayres;  
L'un buffo en marmuillan et semblo furios ,  
L'aoutre nou leno pas sans que sio pur et dous ,  
Aqueste nous acaoumo, ambe la calourado ,  
Aquel nous rand transit pel gibre et la tourrado ,  
Anfin l'ayre ou le bent amistous ou brutal  
Dins l'espace jamay trobon pas lour egal.

La primo en se bestin de flous et de berduro  
Se crey réyno en pourtan sa mignardo paruro ,  
Que rejouis le mounde et le menten gaoujous ,  
Tout en le parfuman de sas douços aoudous ;  
Més a bél embaouma las ségos et las prados ,  
Sa berduro et sas flous réston pas musquetados ;  
Malgré lour gentilleso et lour eclat tant biou  
Soun crassidos toutjoun pes braziés de l'estiou ;  
Al fort del calimas la grellouso trumado  
Animo le lambret , emmalis la trounado ,  
Et dins aques moumens on dirio qu'en tout loc  
L'ayre s'es enflamat et qu'es ragent de foc.  
Per uno bouno pats cal pas qu'un fort tapatge :  
Le cél n'es pas pu bél qu'après un loung aouratge ;  
Quand l'ourme pel trouneyre es asclat à boussis ,  
La niboul se retiro et le tems s'esclairis :  
Oui s'esclairis labets per festeja l'aoutouno  
Que pes orts , pes bignés , l'aboundancio nous douno ;  
A la bese on crerio que soun countentomen  
Amb'elo ba dura perpetuélomen ,  
Més taléou que les fruts que formon sa ritchesso  
Tenen pus à la terro , alabets la tristesso  
S'imprimo sur soun front que pareyssio tant fiér  
Et toumbo , despuillado , en fan plaço à l'hibér ;  
L'hibér arribo : on bey s'arruca la naturo ,

La claretat del jour pallis et ben escuro ,  
Et la néou que souben nous embesco les éls  
Nous fa passa labets de moumens pla cruéls ;  
Dins la rudo sasou , quand la biso flamino ,  
On n'aougis que les crits de l'affrouso famino ,  
Sus albres defeillats et cubérts de glaçous ,  
Tout en pioulan de fret , moren les aouzelous ,  
Le pastre del balouin et le de la mountagno  
Tramblon per leurs troupéls que la talen rougagno ,  
Car courren le dangé de les bese attaquats  
Noun pas per de layrous més pes loups affamats ,  
Que l'on bey en plen joun , tant la fam les deboro ,  
Agriffa les moutous dinqios dins leur demoro.  
Se l'estiou es rousent , se l'hibér es tourrat ,  
Aco's que las sasous n'an pas d'Egalitat.

Toutis les animals courreyres ou nadayres ,  
Les que rampon sur térrou ou bolon dins les ayres ,  
Toutis à nostres éls se trobon differens  
Et ne damouraran tant que dure le tems :  
L'agnél sera toutjoun l'image d'inoucenço  
Car el cour à la mort sense cap de defenço ,  
Le lioun gardara sa forço , sa fiértat ,  
Et le tigre sa ratjo et sa ferocitat ;  
Se le gay roussignol es fiér de soun ramatge ;

Le paou es glourious de soun brillant plumatge ;  
Quand mémo citarion toutis les animals  
Cadun aourio soun sens més serion pas egals.

Dins la begetaciou la sajo Proubidenço  
Nous mostro à cado pas may d'uno differenço ;  
Le sapin orguillous s'ennayro cats al cé  
Quand le saouze-plourur acato soun ramél ;  
Abarrejo las flous , las unos soun muscados ,  
Las aoutros flayron pas quoique sion coulourados  
La térra a pla souben sas inegalitats ,  
Temouén aquelis mounts de glaço capelats  
D'ount sourtis , à grand flots , uno ayguo qu'es buillento  
Al coustat del rajol d'aquelo qu'es glacento.  
Pouzarion dins la mar tout ço qu'à d'amagat  
Que saourion pas encáro ount es l'Egalitat.

Les homes , debalan toutis del prumié payre ,  
Diourion dounc éstre egals , més ne beyran pas gayre  
Que se rancountraran sur toutes las questious  
Ambe la mémo idéo et mémos intencious :  
L'un per pla s'enritchit ba fraouda soun semblable  
Et préféro la hounto al titre d'hounorable ,  
L'aoutre qu'es oupulent , se trouban piétadous ,  
Fa part de sa fourtuno al paoure malhurous ;

Les unis soun trinflans à forço de scienco ,  
Les aoutres semblon trums à forço d'ignourenço ;  
S'aquel cheris la guérro et rébo les coumbats  
Aqueste la maoudis et précho per la pats ;  
L'un aymo le trabal et l'aoutre le rebuto ;  
Les esprits , en tout loc , sans céssó soun en lutto ,  
Et la discordo , anfin , alucan soun flambéou ,  
Rodo dins l'unibérs en brandin soun drapéou.  
Ah ! quand l'astre del jour per tout le mounde brillo ,  
Les homes que diourion fourma qu'uno famillo  
Se traton d'enemics , biben en desacord ,  
Dinqios à se coumbattre et se douna la mort !  
L'Egalitat per lors nou sera qu'un fantome  
Car se rancountro pas dins la rasou de l'home ;  
Elo régno pourtant , més n'es pas qu'al toubél  
Ount toutis à bél-tal nous trouban de nibél.

## LA FRATERNITAT.

---

On nou pot pas joui del bounhur de la bido  
Sans que la caritat bous serbisquo de guido ,  
Tant que l'home , ayci bas , la pren pas per tutou  
Le bounhur manquo pas de ne fa l'abandou !  
Nou y-a que la bertut que pot nous randre hurouses ;  
Qu'aboundon las aounous , aques titres poumpouses ,  
Le luxe que l'on porto ambe tant de fiértat ,  
Se l'on poussédo pas le foc de l'amistat !  
Le que n'a d'amistat res que per sa persouno ,  
Quand mémo aourio sul frount la rouyalo courouno ,  
Pourio pas esprouba , malgre tout soun éclat ,  
Las douçous qu'on receou de la Fraternitat ;

Oh ! qu'es dous de s'ayma : la pu grando ritchesso ,  
S'on n'a pas dins le cor l'amour et la tendresso ,  
Aco's n'es pas jamay qu'uno pla tristo flou ,  
Qu'espelis , izoulado , et que n'a pas d'aoudou.  
Sans la Fraternitat , que le cél nous emboyo ,  
Serion tous abeousats de plases et de joyo ,  
Et nous berion pla léou remplidis d'afflicciou  
A trouba pas l'angél de la counsoulaciou.

Taléou qu'arriban dins la bido

Én festejadis per l'amour ,

Nostro mayreto es rejouido

De nous abe dounat le jour ;

Per grandi sa rejouissenço ,

A l'aounou de nostro nayssenço

Douno un festin à l'amistat ,

Et les amics et la famillo ,

Doun le cor de plase petillo ,

Celébron la Fraternitat ,

On nou bey pas cap de noubieto

Carga l'anel maridadou ,

Sans qu'aouge pres qualq'aymieto

A titre de damo d'aounou ;

Les dounzels et las dounzeletos ,

Les aoujoulets et las bieilletos,  
Toutis coumoul de gayetat,  
Se counsidéron coumo frayres,  
Al punt que fan brounzi les ayres  
En cantan la Fraternitat.

Quand l'ourphélin per la carriéro  
Souffris et manquo de secours,  
Que la talen dins sa paouriéro  
L'y fa passa de tristes jours,  
Pr'aquelos Surs tant hounourablos,  
Qu'an le doun d'éstre caritablos,  
Taléou que se trobo assistat,  
De soun bounhur luzis l'esclayre,  
Car benen l'y serbi de mayre  
Al noum de la Fraternitat.

Et s'un oubrié blanquit per l'atge,  
A tout perdu dins sa maysou,  
Se pot pas malgré soun couratge  
Bioure del frut de sa susou,  
Per el an dubért un azile  
Ount drom en pats et biou tranquille,  
Car en s'y besen respectat,  
Sa sourço de plours es tarido,

Et se bey alounga sa bido  
Aou diou à la Fraternitat.

Quand la mar pares debariado  
Et redoublo sous brounzimens ,  
Que la tampésto es affougado  
Per la furou des elemens ,  
Se qualche bayssél fa nouffratge ,  
En bisto d'un aoutre equipatge ,  
Pla souben se trobo salbat ,  
Nou per d'homes ambiciouses ,  
Més per de mourtals generouses  
Soutiéns de la Fraternitat.

Se del foc la tristo campano  
Fa tinda soun gemissement ,  
Per le mestreja l'on s'afano  
Crento qu'un frayre y sio mourent ;  
Malgré la fumado estouffanto  
Et la flambo qu'es menaçanto  
Le foc souben es arrestat ;  
Quant de bittimos soun salbados ,  
Que l'on troubario counsumados ,  
S'éro pas la Fraternitat !

Dins les catchots les pus affrouses  
Ount jéton les grands criminéls,  
S'an coundannat de malhurouses  
A de tourmens perpetués,  
La caritat, ambe soun liri,  
Ben apazima lour martyri,  
Et soun angeliquo bountat,  
Fa que joul pes de lour cadeno  
Senten alaougeri lour peno  
Pes souéns de la Fraternitat.

Quand én cruchits per la souffrenço  
Et que poudén pas may poulsa,  
Elo nous bey, ambe pacienco,  
Entre sous brasses trespasa....  
Es dounc un anjo que nous beillo!  
Car taléou que nostro perpeillo  
Se cluco per l'eternitat,  
La que nous clabo dins la cayssou,  
Que dins le toumbél nous abayssou,  
Es la santo Fraternitat !!

Que les choses les plus précieuses  
 Ont leur prix grandement estimé  
 Par le contentement de nosseigneurs  
 A de tout temps par nous été  
 La cause, mais sans nous  
 Par qui nous sommes  
 Et sans nous être  
 Le plus grand de tout  
 Par nous de la France  
 Quant on verra par la suite  
 Et que par nous  
 Elle nous sera  
 Entre nous  
 Et nous ne  
 Car nous ne  
 Se donc par  
 La que nous  
 Que dans le  
 Et la France  
 Quant  
 Et nous



